

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-6206/18
Sarajevo, 09.04.2018.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i preporuke Komisije za javnu nabavku radova, Općinski načelnik d o n o s i:

O D L U K U

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje dodatnih radova na rekonstrukciji trgova na Dobrinji i Alipašinom polju – izgradnja potapajućih stubića za zaštitu trgova“, dodjeljuje se ponuđaču SES doo Sarajevo sa iznosom konačne ponude 23.704,88 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i izvještaj o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim izvještajem o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom ponuđaču na potpis.

IV Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostavi dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude.

Obrazloženje

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće: Tokom realizacije Ugovora broj 02/12-23-15855/17 od 06.11.2017.godine o izvođenju radova na rekonstrukciji trgova na Dobrinji i Alipašinom polju – ugradnja potapajućih stubića za zaštitu trgova, ukazala se opravdana potreba za izvođenjem dodatnih radova.

Opravdanost provođenja pregovaračkog postupka potvrđena je aktom Službe za investicije i komunalne poslove br. 02/08-23-22316/17 - LK od 27.02.2018.godine i obrazloženja stručno-tehničkog nadzora br. 568-02-2/18 od 05.02.2018.godine. Navedenim aktima konstatovana je opravdanost izvođenja dodatnih radova, koji su tehnički opravdani, kao i uslov za okončanje projekta iz Osnovnog ugovora.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 06.03.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje radova na rekonstrukciji trgova na Dobrinji i Alipašinom polju – ugradnja potapajućih stubića za zaštitu trgova“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-6206/18 od 16.03.2018.godine dostavljen je izvođaču radova SES doo Sarajevo, za dostavu ponude za izvođenje dodatnih radova u predmetnoj nabavci.

Dana 26.03.2018.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponudena cijena za ugovor u inicijalnoj ponudi iznosi 23.704,88 KM sa uračunatim PDV-om, dok su ostali elementi ponude - rok izvođenja radova 30 radnih dana računajući od dana uvođenja u posao, garantni rok za izvedene radove 2 godine računajući od dana primopredaje radova i način plaćanja bez avansa, nakon primopredaje radova u zakonskom roku. Zapisnik o otvaranju dostavljen ponuđaču na fax.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. Po provedenim pregovorima, konstatuje se da ponuđač ostaje pri ponuđenoj cijeni datoj u inicijalnoj ponudi. Komisija je ostavila ponuđaču razuman rok da dostavi svoju konačnu ponudu.

U skladu sa naprijed navedenim, Komisija je dana 28.03.2018.godine, zaprimila konačnu ponudu u iznosu od 23.704,88 KM sa uračunatim PDV-om. Ponuđač se saglasio sa predloženim osnovnim elementima definisanim u tenderskoj dokumentaciji.

Komisija je izvršila analizu dostavljene konačne ponude i utvrdila da ista u cijelosti ispunjava sve uslove tražene tenderskom dokumentacijom. Računskom kontrolom konstatovano je da je ista i računski ispravna.

Nadzor je izvršio uvid u dostavljenu konačnu ponudu ponuđača i svojim aktom od 19-04-18-N od 05.04.2018. godine konstatovao da su „ponuđene jedinične cijene (kao i ukupna cijena od 23.704,88 KM sa PDV-om) prihvatljive u odnosu na trenutne tržišne cijene za ovu vrstu radova“.

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava, u roku od 10 dana od prijema pismene obavijesti (odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila
Enisa Babić, dipl. pravnik

Dostaviti:
1. Ponuđaču
2. Služba za zajedničke poslove
3. A r h i v / u spis

Općinski načelnik
mr. Semir Efendić

